

docsriver 文川网
入驻商家 古籍书城

在文川网搜索古籍书城 获取更多电子书

docsriver 文川网
入驻商家 古籍书城

在文川网搜索古籍书城 获取更多电子书

docsriver 文川网
入驻商家 古籍书城

在文川网搜索古籍书城 获取更多电子书

docsriver 文川网
入驻商家 古籍书城

在文川网搜索古籍书城 获取更多电子书

docsriver 文川网
入驻商家 古籍书城
在文川网搜索古籍书城 获取更多电子书


中國方志叢書·華中地方·第四三五號

據 元 楊 諲 撰
清宣統元年刊，榮刊太倉縣志

影印

江蘇省

至正崑山郡志



sk 14/08

成文出版社有限公司印行

10098049

中華民國七十二年三月臺一版

至正崑山郡志

全一冊

發行人：黃

成

助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六〇（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

嘉慶二十九年
正月二十日

docsriver 文川网
入驻商家 古籍书城

在文川网搜索古籍书城 获取更多电子书

崑山郡志序

崑山州楊才抱其先人履祥公所著州乘凡二十二卷因其友袁華謁于錢塘曰先君嘗以州之志籍多散漫疎漏更而新之積勞於是者蓋十餘年而獲成此編今州監李羅帖木爾將以壽諸梓吾子與才裔全出浦城文公十葉後幸惠一言引諸首余謂金匱之編一國之史也圖經一郡之史也士不出門而知天下之山川疆理君臣政治要荒蠻貊之外類由國史之信也不入提封而知其人民城社田租土貢風俗異同戶口多少之差由郡史之信也然則操志筆者非有太史氏之才孰

崑山郡志序

十一

得與於斯乎吾曩入吳竊見公所著宋朝著龜之錄凡若干卷今之修史者購之而未得也又口帝王圖辨素王道史姓氏通辨行於時吁公之博學有史才可口矣宜其成是書也立凡初例言博而能要事核而不蕪與前邑志不可同日較工拙也且吾聞崑山自縣陞州戶版輿地利日增租賦甲天下州郡縣市買之船萃焉海漕之艘出焉庸田水道之利害在焉忠臣烈女代不乏絕鴻生碩士爭為雄長不有史才者出而任筆削何以為是州之信史哉吁是書之得託者口幸矣故余不辭為之敘抑予又聞公所著著龜為採書使者賺而去之

而賞爵罔及焉此才之不平而公九泉之憾也故併敘及之公諱讓字履祥東溪老人其自號云至正四年秋七月泰定李黼榜賜第二甲進士會稽楊維禎敘

崑山郡志序

十二

崑山本縣也元成宗元貞二年升縣爲州故履祥此書有郡志之名延祐中移州治於太倉故中有新治舊治之別新治今太倉州城舊治則今縣也至正中仍徙州舊治則履祥已不及見矣鐵厓序稱二十二卷今按之止六卷首尾完具豈鐵厓所見乃別本邪此書世罕傳本嘉慶丁巳十月假陳妙士孝廉所藏舊鈔本讀之歎其簡而有要因綴數言於末竹汀交錢大昕至正辛巳監州李羅帖穆爾續修志乘聘楊諱履祥纂修書凡六卷簡而有法諱蓋本州人其子才與會稽楊廉夫同爲浦城文公十葉孫故廉夫撰此志序文稱才

崑山郡志後序

三

爲崑山州人也諱自題曰浦城蓋據舊貫言之嘉慶乙丑正月嘉定錢大昕手校於得自怡齋時年六十有二此志成於至正年間故題爲至正崑山志云右書六卷先祖可廬徵君手鈔本也迺玉峯之舊志爲金匱所未收縑表珍藏丹黃斯在道光丁未冬月沈觀察飽廬先生介陳恬生孝廉借錄是稿師璟因得拜見於龐山官舍以年家子命隨侍讀書并校刻徵君兩漢書辨疑四十二卷知己之感不僅如唐人所云門館受恩也師璟無似弗克紹承家學而飲水思源情何能已比來投縑贈紵吉叶得朋集腋而成壽諸棗樂新知

於簪裾結古懽以文字萃登姓氏益跂落岑書中有自來脫誤字句謹從蓋闕之義以俟博雅君子惟孝廉墓有宿草未及一見此書之流行是則觀察與師璟不能無山陽聞笛之悲矣刊成爲識緣起如此咸豐元年十一月錢師璟書

崑山郡志後序

四

崑山郡志目錄

第一卷

風俗

山

坊

圍亭
堂
樓附

冢墓

古蹟

第二卷

名宦

封爵

第三卷

進士

第四卷

人物

崑山郡志目錄

五

第五卷

人物

釋老

第六卷

土貢

土產

雜記

異事

崑山郡志卷一

元浦城楊諷履祥纂

風俗

崑山自昔號壯邑事最繁劇仍太伯季札之風崇尙禮
遜無復好劍多鬪之舊其民務耕織有常業多奢少儉
競節物信鬼神歲節山寺有歲懺會一月士女駢闐車
蓋相屬上元取鐙於郡有萬眼琉璃毬者甲天下鐙
月交輝歌管間作喧咽道路以糖糰春蟹爲節食爆糯
穀名亭婁人各自爆以卜一歲之休咎二月望景德寺
有涅槃雙林會尤盛自三月旦爭朝嶽祠四月浮屠浴

崑山郡志卷一

一

佛遍走閭里八日尼寺設飯茶供名無礙會望日慶山
神誕縣迎神設佛老會以祈歲事里巷以伎樂送神自
山塘至邑前幕次相屬紅翠如畫它州負販而來者駢
集後二日觀角觝於山西八月望西津觀潮官設酌於
問潮館綵旗迎潮觀者如堵十月朔調墓如寒食不賀
朔謂之鬼節俗重冬至親朋饋送交馳於道臘月二十
四日祭竈婦女不與二十五日食赤豆粥下至婢僕猶
犬皆有之有出外者亦分及名口數粥是日爆竹驅儼
田家燃炬名照田蠶歲節祀先用除夜焚蒼朮辟瘟丹
家人酌酒分歲夜分祭瘟鬼易桃符向明打灰堆飲屠

蘇此一歲風俗之大畧歲節冬至縣官率邑之寓賢士

友聚拜於學之明倫堂會茶而散禮儀雍雍可親始自

樂菴李公行之後縣令項公澤又置田租以充所費云

志 玉峯 己而富家巨室公私交困率多替徙市井蕭條如

歲懺迎神雙林無礙會皆僅存其名其取鐙於郡與角

觝觀潮等不復見矣續玉峯志歸附後世變風移不能

無異矧今新治舊本墟落居民鮮少海道朱氏翦荆榛

立第宅招徠蕃舶屯聚糧艘不數年間湊集成市番漢

間處閭廣混居各循土風習俗不一大抵以善貿易好

市利尙虛禮美呼稱男子自幼卽襲大人衣帽逮長不

崑山郡志卷一

二

復冠其信鬼則又加於昔病或不事醫藥唯聽命於神
祈賽施捨竭產不悔其朝嶽祠者比屋舉家歲往常熟
之福山朝五通者遠至婺源之靈順凡有迎引競巧爭
奇尤爲奢靡及文運肇興科舉薦復人皆知讀書爲貴
弦誦之聲遍於閭里風俗爲之大變云

山

郡以山得名其山今隸華亭吳地記云陸氏之祖葬於
此因生機雲皆負詞學時人以玉出崑岡而名焉今舊
州主山蓋馬鞍山云

馬鞍山在舊治西北三里高七十丈上下前後皆擇

勝爲僧舍雲窗霧閣間見層出吳人謂眞山似假山也

坊

忠政坊趙忠簡府前

狀元坊 石浦

通德坊鄭大資府前

園亭堂菴軒樓附

士大夫生當其時則享園池之樂時之往也昔日繁華之地果安在哉將不免雍門周之諗乎故園亭雖廢亦書俾觀者有所警省

崑山郡志卷一

主

園圃

孫氏園在舊治北

翁氏園在舊治西

陳氏園在舊治南

洪氏園在舊治東並涪祐以前廢

鄭氏園在舊治西北馬鞍山前海陵史君竦建繼又

創退耕堂水竹環茂可容數十客榜寮張即之書

扁西礪葉丞相書廳之扁曰玉峯佳處園內西南

又有道院庭植落花數百本皆吳中所無者今廢

陳氏園在舊治東本洪氏小園後歸澹軒史君陳昌

世恕齋洪端明堂扁以四時佳景澹軒子師尹號石巖增創寬潔有堂曰光風霽月與鄭園退耕不相上下

衛氏園在石浦文節公後樂之地其後子姪各有園

今並廢

陳氏園在漳潭水竹寬潔亭館宏麗東浦黃簡記徐

聞詩書

盛氏依綠園在高墟自鄭園以下並今廢

放生池在清眞觀石千里書扁御筆有碑邑宰項公

澤跋

崑山郡志卷一

四

東禪寺後圃池上茅亭吳仁傑取杜詩可以賦新詩

之句名曰可賦范石湖多游息其中

崑山亭邑人趙善訓史君所居距馬鞍山之陽二百

弓而限以小溪吳仁傑取元次山溪以浯名旌吾

獨有之句名曰吾山

玩芳亭邑人吳仁傑所居自茅亭以下並舊廢

風雲竹月二亭在普照觀前

墨妙亭顧氏西園之亭也軍器司提舉顧信建在今

三皇廟後中藏時賢趙文敏公子昂親札石刻甚

富

逸野堂邑人王僊所居僊所試不第以讀書自娛鄉里推重教其姪孫葆爲名儒堂廢舊十六觀堂卽其地或云非也

友順堂邑人衛文節公涇所居也涇未貴時與兄弟讀書於其間後功名各成乃招師教子弟於此宋甯宗親灑宸翰書扁賜之今廢

棲閑堂邑人龔昱所居也後廢

四賢堂在邑人李潛家潛之祖衡爲御史時以論張說去國同時得罪者王希呂周必大莫濟莊治作四賢詩以美之潛乃訪求三賢遺像配以其祖置

崑山郡志卷一

五

堂于家名曰四賢後堂隨宅售唯存繪像

喜廉堂在邑人陳吏部昌世家吏部自信守召爲郎天語有一廉可喜之譽遂以名其堂

承訓堂在邑人鄭史君準家其子高郵守端葺而居之自謂不墜先訓故以名堂

止足堂在邑人鄭史君疎家史君薄於榮進家食踰十年不復作宦游想就其家西南築宅一區取知

止知足之義以名堂西澗葉丞相書扁

傳清堂在邑人陳令君明復家蓋取其祖父清白相傳之義訥軒程丞相書扁自喜廉堂以下並歸附後廢

資深堂在橋隱處士秦鼎家趙文敏公子昂書扁樂菴在舊州東六里圓明村侍御李衡歸老地也今廢

疊浪軒在馬鞍山北華藏教院下瞰湖瀆一碧千頃詩人名公往往觴詠于此今湖皆爲田不復見舊觀或解扁字爲車干水宜良田云

滄江風月樓惠安樓二樓並在北巷口西舊酒館也養壽樓在顧文安家趙文敏公子昂書扁

高節樓在袁德家德母陳氏生德及三女年二十七而寡義不再適以勤儉守家保育諸孤皆能成立

崑山郡志卷一

六

其甥茅德潤與士大夫游共美其行相與揭其樓扁曰高節以旌之廣德錢治爲之記

冢墓

吾邦四郊無曠土先賢故壟唯一郝氏他無聞焉如天女黃旛綽二墓出於傳疑又不足信其取斷碑如巴王卜將軍雖不見史傳然復著地名並存廟祀姑用以備數焉

古巴王墓在朱塘鄉今有廟農人墾土得斷碑云彭府君墓在巴王墓南由是知廟下必有墓但不詳巴王爲何時人

唐卜將軍墓在舊州卜山下嘗有人於廟下菜圃朱四

郎家得斷碑畧云府君姓卜名珍字文超西河人

也春秋六十有六以寶曆元年終葬於崑山西鹿

城鄉界卜山禮也銘曰森森古柏宛轉龍岡孤雲

垂蓋日月懸光千秋萬古嗚呼夜長

宋郊朝散墓在郡郭韓涇北官路東今夷為民居神道

路石柱具存冢上露石碣云三十朝散之墓按當

是升卿冢今謂其地曰大夫墳又有二壠在賈垵

門北

劉龍洲墓在慧聚寺東齋後詳見人物門

崑山郡志卷一

七

古蹟

遺蹟所以存古不以其已廢不書唯龍柱及天書已見

各條下更不重出

慧聚寺大殿佛像及西偏小殿毘沙門天王像并左

右侍立十餘神皆凜凜有生氣塑工妙絕相傳為

楊惠之所作惠之初學畫見吳道子藝甚高乃更

為塑工遂以能名天下此像或又云張愛見所作龍圖閣學士

徐林雅嘗歎其妙而大殿三世佛已為庸僧妄加

塗飾天王像綠色亦已故暗乃題殿壁云慧聚寺

古塑天王子連日觀瞻徘徊不忍去一綵女尤勝

絕絕與顧愷之畫相類按此寺成於大中年塑者

得非楊惠之流乎今大殿龍像再加綵畫古意已

索然子懼無知者又將脂澤汚圭壁使唐人遺蹟

掃地將歎恨莫及故書以志之初寺以此像及山

半普賢像與涅槃圖為山中三絕洎熙間寺焚殿

皆燼惟普賢像為一僧背負而逃

慧聚寺殿前二樓曰經臺鐘臺扁皆李後主所題洎

熙間寺焚臺亦廢

高麗國進陰陽柏兩株高纔二三尺高宗以賜王綯

綯種於永懷寺殿庭之左右寺綯之祖審琦香火

崑山郡志卷一

八

院也後柏長高與殿齊每歲左花則右實右花則

左實

洎熙間華亭縣居民浚河得一碑云天寶六載黃池

縣令朱氏葬於崑山縣全吳鄉孔子宅之西南今

孔宅乃在華亭七十五里海隅鄉今其地有孔子廟在惠日寺側

洎熙間寺疏陝渠得寶玉凡六事三璧二環一簪今藏之縣庠舊圖經云昔有姓孔者游吳居此

華亭元屬崑山豈古全吳鄉廣於今耶今崑山全

吳鄉無所謂孔宅者

柏家灘宋末南渡時水底尚有民家階登遺址此古

者民在圩中住居之舊蹟也

野鴨段大泗段港段及和尚圍盛熟圍並在州西皆

田圍名或謂之段或謂之圍也二事並見郊
直水利書

崑山郡志卷一

九

光緒壬寅東倉書庫依嘉定錢氏本

崑山郡志卷一

同里後學繆朝荃重校刊

崑山郡志卷二

元浦城楊諱履祥纂

名宦

嘗觀蘇子作遠景樓記自美其州之俗有近古者三其一謂太守縣令則記錄其行事以為口實至四五十年不忘予竊謂吾州俗之近古者豈止於三守令書之圖經將傳數千世豈止四五十年而已哉然梁適謝深甫葛洪皆宋宰執嘗為令丞尉具見題名而舊志不書於名宦豈無所建置故耶僕今蒐羅史傳自吳以下嘗官於此者口皆補錄以追簡遠之責云

崑山郡志卷二

十

吳頌雍字元口吳郡吳人嘗從蔡邕學琴書謂其必有成效州郡表薦弱冠為合肥長後轉在婁曲阿上虞皆有治蹟累官至丞相

宋祖沖之字文遠稽古有機思解鍾律博塞嘗改何承天厯法姚興指南車及造欹器又體木牛流馬造一器不因風水自運孝武時歷婁縣令

梁吳郡陸慶少好學通五經尤明左傳節操甚高仕為婁縣令以善政聞陳天嘉初徵不至永陽王欲與相見不往後於其宗人陸榮家穿壁得一觀之

陳殷不佞字季卿居喪以孝稱好讀書尤長于吏術梁

承聖初爲武康令有惠政孝武受禪除婁令

唐王嵩幽州人王適之父也爲崑山丞

萬齊融越州人爲崑山令與于休烈賀朝包融爲文

詞之友齊名一時

李案太宗第十子紀王慎之玄孫爲縣令

王綱以大理司直充縣令政務化民始建縣學

孟庭份爲尉郊之父也能詩生郊於此後以詩名於

世

權立爲主簿德興之從兄敏於學行薄於宦名德興

嘗作序送之

崑山郡志卷二

工

劉綺莊爲尉研窮今古博考傳記作類書百卷行於

世名崑山編

宋邊做雍熙初爲令因舊地新作夫子廟自是縣學復

興時錢氏初納土做首爲宰而有賢行上賜璽書

獎勞

梁適字仲賢鄆州須城人顥之子也眞宗朝以獻書

授秘書省正字舉進士改太子中允知淮陽軍官

至丞相大昭按東都事畧未見爲崑山令

張方平景祐初爲令時吳越歸國未久前豪民占田

者多積訟有數十年不決者公召問所輸租稅幾

何大率百纔一二乃悉收其羨田以賦貧民訟亦

息時蔣堂希魯守郡得公所著芻蕘論上之遂薦舉

賢良科後至宰相

韓正彥字師德魏公之姪嘉祐中爲令掘石堤疏斗

門作塘七十里以達於郡得膏腴田數百頃又請

以輸州之賦十三萬從便輸於縣鳩作塘餘材爲

縣倉以儲之民大悅比去遮道以留爲立生祠作

思韓記鑱石祠下

張漢之爲令其父兩爲憲漕五領郡符而家極清貧

漢之政務寬厚尤緩於索租邑人戲爲言曰渠家

崑山郡志卷二

王

自來無此故不欲與人索也

潘友文字文叔東萊先生之友爲政寬厚慈祥愛人

俗呼爲潘佛子秩滿爭結綵樓於路號曰去思植

桃於山題詠甚多

王萬樞韶之曾孫遂之父爲尉得海盜盜格吏請出

郊以應親獲之文萬樞據實卻之其有守如此

陳璧字君玉爲主簿留意教養作成士子講論勸勉

不憚其勞邑人造問者無虛日所成就極多

程沂字詠之西洛人文簡翁之曾孫伊川先生頤之

姪也紹興間以右通直郎知縣事爲政中和有古

循吏風嘗修縣庠張無垢爲記欲鐫之石或謂其託此以諷朝士尋己之

謝深甫天台人爲丞宵宗朝拜右丞相

葛洪爲尉理宗朝拜僉書樞密院事

項公澤字德潤永嘉人涪祐間自長洲丞辟宰崑山

縣令自李秣滿秩更十三任不以善去公澤自童

科擢第以文學飾吏事留意學校買田養士爲政

廉敏百廢具舉多所增勑秩滿造朝嘗□國子宗

正知安吉州

吳堅字彥愷天台人涪祐中爲簿留意教養詣學講

崑山郡志卷二

四

肄無虛日以厚風俗正人倫明義利開姦邪爲先

務在任多所增勑後累登清要德祐末年拜左丞

相京城降爲祈請使入大都

本朝王安貞字吉卿彰德安陽人以身書僉寫補浙西

帥府掾至元二十九年授將仕郎浙省理問知事

元貞初遷從仕郎台州經歷江浙省答刺罕丞相

勾補省掾大德七年改承事郎温州永嘉縣尹平

反張明一等冤獄全活二十三人正僞造鈔曹元

三之罪民大悅服至大三年擢奉訓大夫工部主

事銜 命江西省拯治錢糧事畢除宣徽院都事

再 命與速古兒赤哈只必闡赤汪古充深入怯

魯連迄北計點達達戶計以功陞朝列大夫崑山

知州旣任適州初遷公衙以下百未一具以舊郭

民不樂遷所合建置存舊營新其所勑置分見各

門且善於規畫民不知擾始終以教養恤民爲意

秩滿改授饒州路治中

那懷本蒙古魯吉刺氏泰定初以武德將軍爲達魯

花赤時州遷一紀公廨未建公卽募各保里正量

其事力分占名項出財營造使人有術民皆樂從

且有巧思指畫間架良匠不能踰其度所役夫工

崑山郡志卷二

五

皆吏貼及轡卒輩雇覓間用警跡役徒故雖營造

盛興居民無擾其所勑建備具志中先是上司官

至器皿鋪蓋悉假於豪民當坊役者不勝勞擾於

是以公罰錢造銀器數百事紳絲毳褥□數十條

其適用什物莫不畢備名件備見州廳石刻公雖

目不知書而凡所涉歷終不遺忘敬儒重老人以

是推之秩滿改授福甯州達魯花赤

姜復昌號漁所宋死節忠臣淮東都統才之孫也父

文龍歸附後因官居嘉興遂爲嘉興人泰定初復

昌以敦武校尉爲州判官先是知州錢也先伯泛

差協濟戶不預定姓名隨所逮得方填文引農民不敢出市下保勾攝在所抗拒殊失官府氣象及公蒞任雖居末位出身任事拯治一新及津助法行以廉幹摘委與省委官覈實民產酌量助役輕重得宜抑強扶弱放免小戶里正一百十三名邦民稱頌殆不容口薦膺省委覈湖州僧田助役咸愜輿論公循常氣貌和粹及政有不便執理力爭辭色不少假雖長官獷悍亦爲之下性尤不事虛飾湖州助役回反叱咤滿祖帳加倍於常皆約以遠日夜潛移舟去士民追餞不及而反次倅瑞安

崑山郡志卷十

七

亦多政蹟

入資刺字思齊畏吾人民以世祿歷侍儀使至元丙子任監州爲政警敏理斷詳審民皆愜服疑辭寃訟多所平反性尤好士日延接不倦先有僉人睨睨學廩將郡庠諸生屏斥一空且立石公堂絕其復籍蹊徑前監郡德安仁賢有文推誠待士深念其寃欲復之以丁艱不果迨公至廟學廢益甚躋彼公堂如入無人之境公惻然曰設學校以養士風化之本也逐士毀學非盛世所宜舉廢興復其有司之責乎卽度材鳩工遴選廉幹吏王復初典

史陳大年重修文廟鼎建採芹亭彩繪髹漆磬砌版築不踰時煥然一新遂復諸生籍毀黨錮碑作起儒風民俗大變復建州廡後堂皆不擾而辦工甫畢卽解綬去祖帳盈途自謙樓至西關不絕士庶攀留脫靴截鐙幾不容去

勃羅帖穆爾字存中號一齋唐兀人氏祖忽刺出銀青榮祿大夫湖廣省丞相徹里帖木兒中奉大夫湖廣省參知政事公以相門世祿初授承務郎直省舍人陸奉訓大夫武備寺丞歷大府監提點至正辛巳冬以奉議大夫來爲監州初下車適立

崑山郡志卷二

七

都水庸田使同開濬河道公受委提調日冒風雪罔憚勞苦而以矜恤爲意故民樂於趨役不擾而事集尤留心學校捐貲率先置造大成雅樂及成此郡志又常施已粟拯被火人戶三百餘家適值亢旱公長齋蔬食曝於烈日以事禱祈因以致疾而不憚也暇日則延儒生講論義理擇善而行惟恐弗及臨民以仁恕稱美政日聞人皆以遠大期之行秉政綱以盡其所蘊

封爵

古之封建分茅列土開國承家授之封爵唯崇位號而

已所以書之者以見國邑之舊也
吳見三國志

婁侯

張昭輔吳將軍

宋

崑山縣開國侯

□□□

崑山縣開國伯

衛涇端明僉樞
兼參知政事

崑山縣開國子

崑山郡志卷二

八

范之柔禮部
尚書

崑山縣開國男

衛涇特郎

鄭準中奉
大夫

鄭竦奉直
大夫

光緒壬寅東倉書庫依嘉定錢氏本

崑山郡志卷二

同里後學繆朝荃重校刊

崑山郡志卷三

元浦城楊譔履祥纂

進士

吾邦人材之盛在宋嘗出大魁科第相望見之題名為鄰邑最中雖東世故然弦誦不輟惟今文運肇興郡侯勉勵作成將見名香淡墨歲有其人不使文節輩專美於前也

端拱元年程宿榜

龔識默甫殿中侍
御史

天聖五年王堯臣榜

崑山郡志卷三

一

龔宗元會之識子 都官員外郎
龔題名石並不見

嘉祐二年章衡榜

郝亶正夫比部
郎中

治平二年彭汝礪榜

孫載積中朝議大夫
河東通判

熙寧六年余中榜

龔程信民宗元
子

崇寧五年蔡巖榜

龔況濬之程子 祠部員外郎
龔題名石並不見

政和五年何臬榜

docsriver 文川网
入驻商家 古籍书城

在文川网搜索古籍书城 获取更多电子书

唐輝子明禮部侍郎

黃偉時俊朝奉大夫

政和八年王嘉榜大昭按宋史重和改元狀元王昂非王嘉或作王嘉誤或又作嘉王更誤

衛閻致虛太學博士朝奉大夫

張德本復之

宣和六年沈晦榜

王葆彥光監察御史

范雱伯達秘書郎

建炎二年李易榜

唐熈子光輝弟朝請大夫

崑山郡志卷三

馬友直伯忠特科宣教郎

紹興二年張九成榜

尤著少蒙承議郎

紹興五年汪應辰榜

郊升卿師古廩孫朝散郎知常州

范成象至先零兄之子工部郎中

王嘉彥邦美蘇州志在紹興八年大昭按

紹興八年黃公度榜

沈詢嘉問奉議郎知温州瑞安縣今崇明州西沙

紹興十三年陳誠之榜

嚴煥子文題名石不見

袁鼈可久

陳璫器則

鄭希顏君亞

張之才周美特科

紹興十五年劉章榜

李衡彥平侍御史

邊愔德公辯特科第三通直郎

顧閻彥和特科

紹興二十一年趙遠榜

崑山郡志卷三

成端亮伯準

紹興二十四年張孝祥榜

陳九思希魯甲科

鄭纘公玉

范成大至能零子參知政事

樂備功成將作監簿軍器監簿題名石字順之

紹興二十七年王十朋榜

顏度魯子太常少卿兼權工部侍郎

王萬必大葆弟

紹興三十年梁克家榜據冀口云此下有落

十一

十二

馬先覺少伊友直孫 朝奉郎架閣

隆興元年木待問榜

唐子壽致遠輝子 朝請大夫

郁昇舜舉一作 欽

趙彥棟欽仲題名石 字德振

趙公一作 高成 一作 甫 宣教

賀三聘湯輔宣教 郎

袁宗仁壽卿龍子 書庫官

姚申之崧卿

李廷直世南

崑山郡志卷三

成欽亮仲鄰端亮弟 朝奉 大夫知峽州

乾道二年蕭國梁榜

葉季亨時質特科 題名石 作葉時亨季質

林梓材卿特科

乾道五年鄭僑榜

辛機應仲

陳茂膺按縣志 作英 季質

王邁德遠

陳九德希皋九思弟 通直郎

潘孜道任特科 議郎 賜緋

錢永允一作 彌叔憲 特科 大昭按舊志 作錢允述字升憲

乾道八年黃定榜

范之柔叔剛禮部 尚書

范操德明成象子 題名石字孟明

宋一作 宗光遠民望

趙善遠道卿

秦膺一作 剛和仲 特科

龔明之希仲特科 宣教郎 賜緋

淳熙二年詹駿榜

張舜卿次夔之才 子

崑山郡志卷三

陳宗召景南禮部 尚書

王嘉謀叔明特科

陸日新德輝特科 題名石名自新

胡元佐德懋特科 題名石名堯佐

辛元膺應辰特科

周良臣君顯特科

淳熙五年姚穎一作 鄧 榜

吳仁傑斗南國子 錄

顧澈伯澄特科

淳熙八年黃由榜

黃真一作真卿元吉 特科

淳熙十一年衛涇榜

衛涇清叔關孫 狀元
參知政事

呂伯奮忠甫

夏允中彥執

翁謙天益

李應祥夢龍

顏叔淵養源特科
名石不見題

張左右民特科
石在十六年題名

李燧良佐 特科

崑山郡志卷三

紹熙元年余復榜

李起宗楊祖應祥弟
名石作兄題

顏叔玠景珪度弟
之子

趙善遠衛卿善遠弟
名石作兄題

顏叔平景晏度子

陳振震亨太府寺丞

顏應叔修度弟
石字仲修題名

朱起宗元振 特科

胡椿一作德進 特科

鄭允文元修觀兄 特科

紹熙四年陳亮榜

張松子觀

慶元二年鄭應龍榜

鄭準器先中奉大夫

王芹元采特科
在慶元三年題名石

慶元五年曾從龍榜

陳貴誼正夫宗召子
參知政事

顏叔瑤粹中叔玠弟

衛沂興叔關孫
涇弟

潘興嗣顯祖

崑山郡志卷三

敖陶孫器之題名石
不見

沈唏顏文仲 特科

嘉泰二年傅行簡榜

趙琳君善直寶章閣

湯沂一作希黯
題名石作世南

沈誠天瑞崇州西沙
詢孫坑治所幹官

博學宏詞科一人

陳貴謙益父
父二字宜改大字

嘉泰三年以兩經幸學恩授上州文學二人

顏叔升一作景容
度姪 特科

六

七

林溥景仁

開禧元年毛自知榜

江先子朋朝請大夫

趙汝涪子楚二人題名石並不見

顏叔瑛器之度姪特科

邊瀛道卿特科

嘉定元年鄭自誠榜

衛洙魯叔涇弟右司郎中題名石不見

衛洽晉叔石字晉卿題名

袁宗魯道卿宗仁弟特科

崑山郡志卷三

鄭敷王休特科

博學宏詞科一人

陳貫誼正夫慶元五年進士

嘉定四年趙建大榜

嵇源子長上舍

呂叔獻一作恭父伯奮弟特科

胡天選賢卿特科

嘉定七年袁甫榜

衛洙魯叔涇弟再及第

黃必大昌卿奉議

王杲卿晞顏特科

嘉定十年吳潛榜

王圭君玉一作邁子遇司封郎中

嘉定十三年劉渭榜

黃保大和卿必大弟省元

鄭肅一作文捷準兄特科

嘉定十六年蔣重珍榜

蔡珏珍父內舍

郁雲景龍異姪內舍

黃洙魯叔特科題名石字魯卿

崑山郡志卷三

紹定二年黃朴榜

郁中正叔雲弟異姪內舍題名石字允叔

顧然雍叔特科

沈逢原深甫特科

郭思義得甫特科

端平二年吳叔告榜

陳洪泰亨振弟第四甲出身

嘉熙二年周坦榜

劉必成興謀右科狀元

淳祐元年徐儼夫榜

邊應升子用 簡德孫 名第三等 奏

淳祐七年張淵微榜

袁逢午中甫 宗仁姪 奏名 第四等大學

寶祐元年姚勉榜

李特昭進叔 第三甲出身 舍選

寶祐四年文天祥榜

邊雲遇龍光 應升次子 第二甲及第

王體文堯章 上舍 第四甲出身

開慶元年周震炎榜

林文龍用兩

崑山郡志卷三

十

嘉定三年方山京榜

凌萬頃叔度 第四甲出身 直學四請

張熹子明

咸淳元年阮登炳榜

高烈和父 大學前廊釋褐出身 題名石字建大

宗室覃恩

趙必焄茂可 甲子監請文解 乙丑銓中出身

郁紹庭繼文 中子 夢焄弟 兩請 異姪孫

郁夢蟠敬甫 雲姪 紹庭兄 奏名 異姪孫

咸淳四年陳文龍榜

徐功甫文敏 奏名

崑山郡志卷三

十一

光緒壬寅東倉書庫依嘉定錢氏本

崑山郡志卷三

同里後學繆朝荃重校刊

崑山郡志卷四

元浦城楊諱履祥纂

人物

人物鍾山川之秀為郡邑之華所宜詳錄以備簡編唯晉陸機今雖隨地屬華亭然舊為崑山所統故以其冠於篇唐宋人物舊有紀載今自創開海道人材輩出不可殫記姑以其所聞者錄於此非敢有所取舍也

後漢婁縣卞崇桓帝時吳郡太守薛固為法吏所繩下

廷尉崇與同郡烏程錢讓詣闕稱冤廷尉囚崇等

以兵圍守苦毒持之崇讓恬然自若枉聲彌厲天

崑山郡志卷四

子聞而奇之乃赦固之罪

晉陸機字士衡祖遜父抗並吳將相機長七尺聲如巨

鐘天才逸秀閉門勤學非禮不動太康末與弟雲

入洛張華謂伐吳之役利在獲二俊遂延譽薦之

成都王穎假機後將軍河北大都督宦人孟玖譖

機于穎遂遇害葛洪稱機文猶元圃積玉無非夜

光五河吐流泉源如一其洪麗妍瞻英銳漂逸亦

一代之絕所著文章三百餘篇行於世弟雲耽雲

字士龍六歲能屬文性情正有才理與兄齊名雖

文章不及而持論過之號二陸舉賢良時年十六

吳平入洛周俊謂為當今之顏子補浚儀令後百
姓圖形配食縣社入拜中書侍郎亦為穎所害著
文章及新書三百餘篇

唐張後胤字嗣宗祖僧紹梁零陵太守父冲陳國子博

士入隋為漢王諒并州博士後胤以學行見稱授

太宗春秋左氏傳封新野縣公終散騎常侍贈禮

部侍郎諡曰康 唐書

史德義咸甯初隱居虎邱山以琴書自適或騎牛常

帶瓢出入郊郭東野號為逸人高宗聞其名召赴

洛陽尋稱疾歸公卿皆賦詩餞別德義亦以詩留

崑山郡志卷四

贈其文甚美天授初江南道宣勞使周興表薦則

天授諫議大夫興敗後放歸邱壑 唐書

陶峴以文學自許生知八音不謀宦游富業擇人不

欺者悉付之身泛江湖遍游煙水往往數年不歸

製三舟一自載一置賓客一貯飲饌與客孟彥深

孟雲卿焦遂共載逢山水則窮其勝開元末名聞

朝廷經過郡邑靡不招之峴不肯來自謂麋鹿野

人非王公上客亦有不招而自詣者吳越之士號

為水仙常慕謝康樂之為人終當樂死山水浪蹟

三十年後遊襄陽西塞歸老於吳 唐書

朱龔識字默甫給事中慎儀之子登端拱進士第祥符
間翰林學士李宗諤薦監察御史遷殿中侍御
史兼左巡使朱龔唐制御史不專言職至是始擇
學術醇正操履端方可紀綱朝廷者俾入臺言事
蓋始於識亦宋吳士登科之首也踰年以目疾累
表乞退遂除檢校司封郎官平江軍節度副使子
宗元字會之幼穎悟絕人讀書虎邱爲鄉貢首選
天聖五年擢進士第徙居黃姑嘗通判衢越二州
終都官員外郎有文集十卷號武邱居士遺藁子
程字信民剛正自守不怵於禍福力學排異端家

崑山郡志卷四

三

不設佛老像祭祀不焚紙錢讀書南峯攻苦食淡
遂極博羣書鄉人號有腳書廚熙寧六年登進士
第終桐廬令子況字潛之崇寧五年進士第以學
術文章與蘇過在朝俱知名時號龔蘇用宗元中
隱故事自號起隱子終祠部員外郎有起隱集三
卷子明之字希仲有孝行終宣教郎子昱字邱道
有文學安貧樂道鄉人稱爲龔山長
郊宜字正夫太倉農家子自幼知讀書識度不凡登
嘉祐進士第崑山自宋以來登科者自宜始初授
睦州團練推官知杭州於潛縣未赴以水利役法

鹽銅酒五利爲書上之丞相王安石奇之熙寧中
除司農寺丞旋出提舉兩浙水利議者以其說非
便遂罷歸治所居之西水田曰大泗漉者如所獻
之說爲圩岸溝洫井滄場圃俱用井田之制歲入
甚厚圖狀以獻且以明前法非苟然者復召爲司
農寺簿遷丞除江東運判元祐初入爲太府丞出
知温州以比部郎中召未至卒年六十六子僑字
子高負才挺特爲荆公所器許鄉人謂之郊長官
晚歲自號凝和子宜孫升卿字師古紹興進士知
常徽二州

崑山郡志卷四

四

孫載字積中曾祖漢英仕錢氏爲蘇州崑山鎮遏使
故爲崑山人登治平進士第爲河中府戶曹遷知
湖州德清縣並有惠政遷知考城縣一日巡尉來
告盜集境上將以上元掠近郭至期公張燈樂飲
許民嬉遊不禁夜如故事盜叵測遂遁去迨受代
無復鼠竊者以薦除廣東常平哲宗授通判陝州
移廣東轉運判官紹聖初復常平官除公河北西
路改知海州已而除沂州遷朝奉大夫知婺州移
河東路轉運判官又移淮西路提點刑獄徽宗卽
位遷朝請大夫知亳州所在治務大體時號循吏

以嘗薦元祐黨人得提舉杭州洞霄宮以歸大觀
中遷朝議大夫未幾上章乞守本官致仕一日徧
謁先壠及嘗與往來者呼妻子與訣問日早晏焚
香而逝年七十五性無伎嗜好汲引士類薦者四
百餘人多至貴顯少喜易著易釋解五卷文集五
十卷

唐輝字子明吳郡人寓居崑山以文章名於時登正
和進士第任至禮部侍郎弟燧建炎進士子□壽
隆興進士其後多居城中居於邑者曰叔達官至
通直郎賜緋年及九十猶強健

崑山郡志卷四

五

王葆字彥光逸野堂僖之姪崑山自孫載登第甲子
一周葆始登宣和第邑人美之葆學行俱高潛心
古道入皆稱爲鄉先生初主麗水簿上疏論十弊
末以儲嗣爲請語尤切直及和議成葆爲宗正寺
簿上書秦檜言伊周去留之得失後爲司封郎官
一日檜語葆曰檜欲告老如何葆曰此事不當問
葆檜曰它人不敢言以公有直氣故問爾紹興八
年檜爲右丞相以公勸去位以全功名今何故不
言葆曰果欲告老不問親讎擇可任國家之事者
使居相位誠天下生民之福檜默然俄除監察御

史兼崇政殿說書檜薨出知廣德移漢州又移瀘
州終浙東提刑葆於人物鑒裁尤精侍御李衡樂
菴布衣流落卽妻以女弟丞相周益公必大初登
第卽妻以女人皆服其知入弟萬姪嘉彥中進士
第嘉謀奏名

楊則之字彝老外岡人也嘗學詩於西湖順老學禪
於大覺連禪師詩號禪外集禪學有十玄談參同
契俱行於世

中吳紀聞

馬友直字伯忠其先本姓司馬氏有名球者仕吳越
以御史中丞爲崑山鎮邊使因家馬子孫樂道不

崑山郡志卷四

六

仕隨俗止稱馬氏聚族居全吳鄉之六直里素著
孝義兄弟六人皆力穡獨友直以儒業自奮入太
學迨宣和水災兄弟皆狼狽營妻子友直獨迎其
親徙邑之進賢里僦第以居躬菽水養建炎奏名
主武康簿奉嶽祠尋以宣教郎致仕孫先覺字少
伊紹興進士爲架閣號得閑

郭章字仲達幼工於文游京師太學有聲因歸鄉省
親作詩別同舍有掠過短蓑驚脫兔踏翻紅葉闌
歸鴉又有詩云中唐有幾知誰運今日分陰敢自
閑之句皆傳播一時以守城功拜官被薦居帥幕

久之官至通直郎卒於京師年四十餘無子

中吳 紀聞

張匯字朝宗其先濮人文潞公洛陽耆英曾有龍圖

閣直學士張燾即匯之祖也匯當南渡初五爲浙

漕時宰臣開督府分道遣兵詔匯隨軍應副不限

以路匯愿江淮歸浙建臺玉峯因家焉嘗卿棘寺

以刑清有詔褒曰體好生之德行寬大之書等語

其家珍藏此詔後游歷節終於中大夫直寶文

閣子孫爲崑山人文脈不絕

王絢字唐公秦正懿王審琦五世孫建炎己酉爲御

史中丞自建康扈從至鎮江從容奏曰陳東以忠

崑山郡志卷四

七

諫被誅此其鄉里也上卽命賜其家官其子絢自

資政殿學士權太子少傅未幾拜參知政事及車

駕幸會稽韓世忠邀擊金歸騎於楊子江絢議遣

兵追襲與世忠夾擊之同政者議不合遂求去御

書霖兩思賢佐一聯以賜之絢雖爲執政其家甚

貧以祿不及親自奉儉薄無第宅寓東禪僧舍蕭

然一室服食器用如寒士天性仁孝矧恤嫻族無

所不至紹興七年薨年六十四前二日書戊戌字

示左右及薨果戊戌也其前知如此諡文恭絢所

著述有內外制四十卷奏議三十卷進讀事實五

卷論語解三十卷孝經解五卷羣史編八十卷內

典略錄百卷

李衡字彥平本江都人避地於崑山登紹興進士第

爲溧陽宰以德化民四年無犯死罪者剡章交上

召對陳便民十事除知温州未行擢監察御史出

知婺州召拜司封郎官遷樞密院檢詳俄引年挂

冠築菴圓明村自號樂菴餘口落致仕除侍御史

同知貢舉因上疏論張說不當居樞筦遷起居郎

不就知台州又不就復上章請老時王希呂爲右

正言亦力彈之莫濟爲給事中不書黃周必大直

崑山郡志卷四

八

學士院不草制皆遭遷逐布衣莊冶作四賢詩以

美之衡道學精明且樂於教人自中年後絕欲清

修唯一蒼頭給事年幾八十視聽不衰少年有所

不及一日作數十紙遍別親友且戒其子不得齋

僧供佛復問天色何時答以月明備然而逝所著

文章甚多號樂菴集又有易說論語說若干卷子

應祥起宗相繼登第孫潛清而奏名

范成大字至能後居石湖號石湖居士父雪宣和進

士終祕書郎成大登紹興進士第嘗仗節使金

伏穹廡不起袖出私書切責之其所負不凡類此

帥江東陞辭上以縑素書石湖二大字賜之後見東宮曰石湖已拜宸翰有壽樂堂願得寶書太子書三大字賜之乃併刻於堂榜曰重奎隆興中拜中書舍人參知政事薨贈太師諡文穆有石湖集百三十六卷吳郡志五十卷使北有攬轡錄過海有虞衡志出蜀有吳船錄弟成象紹興進士姪藻乾道進士

周煥卿與侍郎張九成爲布衣交相與之意極厚煥卿有母喪貧不能舉有妹未嫁九成自貶所專价齋銀錢供其費書辭懇惻讀之令人竦然生敬煥

崑山郡志卷四

九

卿雖事業無所見然九成眷愛如此其賢可知矣

中吳紀聞

邊愷德字公辯本開封人樞密直學士肅四世孫祖珉居蘇城愷德遂家於崑山幼孤至孝貧不廢禮以詩文名一時屢與石湖唱和以連五薦就奏名第三歷任舉員及格會舉將坐累失改秩年踰六旬卽挂冠賞格儒林例改宣教鄉達列其行特改陞朝仍著爲令有脂韋子五十卷孫應升連捧三薦淳祐奏名終丹徒簿

樂備字功成本淮海人寓居崑山以詩文名於時登

紹興進士第仕至軍器監簿與范石湖諸公共結詩社

顏度字魯子充國公五十三世孫由唐魯公兒子仕常熟遂爲吳人後寓居崑山以文章政事名一時登紹興進士第仕至工部侍郎孝宗謂度每出一言不動如山因以自號弟應子叔平姪叔玠叔瑤叔淵皆及第口叔瓊奏名其子孫諸族皆居城中仕者尙多

吳仁傑字斗南以詩文名一時登淳熙進士第仕至國子錄自號蠹隱所著書多行於世

崑山郡志卷四

十

袁宗仁字壽卿父鼂紹興進士宗仁登乾道進士第仕至國子監書庫官以文名於鄉弟宗魯嘉定奏名名姪惟寅中鎖廳應酉捧鄉書逢午由太學奏名爲安吉主簿

衛涇字清叔祖闕政和進士終太傅涇涇熙大魁當韓侂胄用事時不爲忱罷歸十年不調後除御史中丞與誅侂胄功拜參知政事後以金紫光祿大夫致仕薨贈太師封秦國公諡文穆改諡文節從兄沂慶元進士奉化主簿從弟洙弟洽並嘉定進士洙官至右司郎中弟湜屢中鎖廳嘗編禮記集

解後除太府寺丞將作少監皆不赴終直寶謨閣
子樵魁銓闈又魁鎖廳終知信州樸中鎖廳終倉
部郎官樛魁國子終太社令枏魁銓闈中鎖廳終
州通判諸孫仕者尙多亦屢有中鎖廳者

陳宗召字景南本福清人因贅而居登瀛熙進士第
終禮部尙書三子貴謙祕閣修撰康熙尙左郎官
貴誼慶元進士端平間拜參知政事垂將大拜薨
諡文定宗召貴謙貴誼俱中宏詞

范之柔字叔剛文正公之五世孫登乾道進士第仕
至禮部尙書特恩進贈端明殿學士諡清憲子克

崑山郡志卷四

七

家甯家甯家官奉議郎之柔弟良遂字次卿卜築
江上且耕且讀自號墨莊其子慶家通判建康府
劉過字改之自號龍洲本廬陵人客崑山依妻家而
居過爲人尙氣喜飲酒爲詞章豪放斗酒彘肩風
雨渡江豈不快哉等詞皆行於世叩閣一書請光
宗過官言極剴切尤諸公所稱許死葬馬鞍山東
齋之西岡佛殿後陳止安誌其墓其後詩人卽東
齋爲祠每暮春縣官率士友酌祠下貳卿湯口口
中嘗作文遣祭及詩人甲詠俱留祠壁邑人呂大
中衷諸詩作楚些餘音流行

呂伯奮字忠甫登瀛熙進士第幼與其弟仲堪叔獻
皆中童科名公賦者甚眾

趙監字孺文丞相忠簡公之孫來贅范端明之女兒
因家焉終於知興國軍子絳字君善嘉泰進士歷
官宗正丞都官郎官理宗欲用爲諫官有阻之者
出知吉州不上賦祠官祿六年遂挂冠除直秘閣
進直寶章以朝散大夫終年七十八自號頓菴又
號如舟清修寡欲室無媵妾家乏於財惟藏書萬
卷死後有人夢其旌旗簫樂導從甚都疑爲仙班
中人也子序孫勲俱世其賞

崑山郡志卷四

七

王邁字德遠本安吉人因贅而家焉登乾道第終通
判太平州子圭字君玉嘉定進士主松陽簿就爲
令行經界爲天下式後知常州入爲司封郎官終
朝散大夫自號靜觀其居官廉家無餘貲子敏學
彊學俱受父蔭歷官廉謹
陳振字震亨其先古靈之後父遵來贅李樂菴女因
家焉遵死家貧謀葬地於圓明術者云不利於長子
長子卽振也振曰使親藏得甯或不利於某二弟
尙可主祭遂葬焉後振登紹熙進士第歷太府寺
丞知永瑞州以朝議大夫致仕自號止安居士弟